

文瑞文藝
兩世步澤
同齋

石湖居士文集卷第二十八

詩

四時田園雜興六十首

并引

淳熙丙午况病少紓復至石湖舊隱野外即事輒書
一絕終歲得六十篇號四時田園雜興

春日田園雜興十二絕

柳花深巷午雞聲桑葉尖新綠未成坐睡覺來無一
事滿窗晴日看蠶生

土膏欲動雨頻催萬草千花一餉開舍後荒畦猶綠
秀隣家鞭筍過墻來

同齋

同齋

○高田二麥接山青傍水低田綠未耕桃杏滿村春似
錦踏歌椎鼓過清明

老盆新熟杜茅柴携向田頭祭社來巫媪莫嫌滋味
薄旗亭官酒更多灰

○社下燒錢鼓似雷日斜扶得醉翁迴青枝滿地花狼
藉知是兒孫鬪草來

騎吹東來里巷喧行春車馬鬧如煙繫牛莫礙門前
路移繫門西碌碡邊

寒食花枝插滿頭舊裙青袂幾扁舟一年一度遊山
寺不上靈巖即虎丘

○郭裏人家拜掃迴新開醪酒薦青梅日長路好城門
近借我茅亭暖一杯

步屨尋春有好懷雨餘蹄道水如杯隨人黃犬攬前
去走到谿橋忽自迴

種園得果塵償勞不奈兒童鳥雀搔已插棘針樊笱
徑更鋪渙網蓋櫻桃

吉日初開稻種包南山雷動雨連宵今年不欠秧田
水新漲看看拍小橋

桑下春蔬綠滿畦菘心青嫩芥臺肥溪頭洗擇店頭
賣日暮裏鹽沽酒歸

晚春田園雜興十二絕

紫青萼葉卷荷香
玉雪芹芽披薤長
自擷溪毛充晚
供短蓬風雨宿橫塘

湖蓮舊蕩藕新翻
小小荷錢沒漲痕
斟酌梅天風浪
緊更從外水種蘆根

胡蝶雙雙入菜花
日長無客到田家
雞飛過籬犬吠
竇知有行商來賣茶

圓

浦裙水蒲菜蘋洲
上已微寒懶出遊
薄暮蛙聲連曉
鬧今年田稻十分秋

吳下以上已蛙鳴則知無水災

新綠園林曉氣涼
晨炊蚤出看移秧
百花飄盡桑麻

小夾路風來阿魏香

○三旬蠶忌閉門中
隣曲都無步往蹤
猶是曉晴風露
下采桑時節暫相逢

汙萊一稜水周圍
歲歲蝸廬沒半扉
不着芟青難護
岸小舟撐取葑田歸

茅針香軟漸包茸
蓬蘽甘酸半染紅
采采歸來兒女
笑杖頭高挂小筠籠

○穀雨如絲復似塵
煮餅浮蠟正嘗新
牡丹破萼櫻桃
熟未許飛花減却春

雨後山家起較遲
天窗曉色半熹微
老翁欹枕聽心

轉童子開門放燕飛

海雨江風浪作堆時新魚菜逐春回
荻芽抽筍河鮑上棟子開花石首來

此老素憎河鮑緣何用作詩料

○烏鳥投林過客稀前山煙暝到柴扉
小童一棹舟如葉獨自編欄鳴陣歸

夏日田園雜興十二絕

○梅子金黃杏子肥麥花雪白菜花稀
日長籬落無人過惟有蜻蜓蛺蝶飛

五月江吳麥秀寒移秧披絮尚衣單
稻根科斗行如塊田水今年一尺寬

○二麥俱秋斗百錢田家喚作小豐年
餅爐飯甑無飢色接到西風熟稻天

百沸縹湯雪湧波縹車嘈噴雨鳴蓑
桑姑盆手交相賀綿繭無多線繭多

小婦連宵上綃機大耆催稅急於飛
今年幸甚蚕桑熟留得黃絲織夏衣

○下田岸水出江流高壠翻江逆上溝
地勢不齊人力盡丁男長在踏車頭

晝出耘苗夜績麻村莊兒女各當家
童孫未解供耕織也傍桑陰學賣瓜

槐葉初勻日氣涼
葱蔥鼠耳翠成雙
三公只得三株
看閑客清陰滿北窻

○黃塵行客汗如漿
少住儂家漱井香
借與門前盤石
坐柳陰亭午正風涼

千頃芙蓉放棹嬉
花深迷路晚忘歸
家人暗識船行
處時有驚忙小鴨飛

采菱辛苦廢犁鉏
血指流丹鬼質枯
無力買田聊種
水近來湖面亦收租

蛭塘千萬沸斜陽
蛙黽無邊聒夜長
不把癡龍耳相對
治夢魘爭得到藜牀

秋日田園雜興十二絕

祀菊垂珠滴露紅
兩蛩相應語莎叢
蟲絲罨畫黃葵
葉寂歷高花側晚風

朱門巧夕沸歡聲
田舍黃昏靜掩扃
男解牽牛女能
織不須徼福渡河星

橘蠹如蚕入化機
枝間垂蠶似蓑衣
忽然蛻作多花
蝶翅粉纔乾便學飛

靜看簷蛛結網低
無端妨礙小蟲飛
蜻蜒倒掛蜂兒
窘催喚山童爲解圍

垂成穡事苦艱難
忌雨嫌風更怯寒
戕訐夫公休掠

剩半償私債半輸官

秋來只怕雨垂垂甲子無雲萬事宜穫稻畢工隨曬
穀直須晴到入倉時

中秋全景屬潛夫棹入空明看太湖身外水天銀一
色城中有此月明無

○新築場泥鏡面平家家打稻趁霜晴笑歌聲裏輕雷
動一夜連枷響到明

租舡滿載候開倉粒粒如珠白似霜不惜兩鍾輸一
斛尚贏糠覈飽兒郎

○菽粟瓶罌貯滿家天教將醉作生涯不知新酒堪芻
末今歲重陽有菊花

○細搗棗糝買鱸魚西風吹上四腮鱸雪鬆酥膩千絲
縷除却松江到處無

新霜徹曉報秋深染盡青林作纈林惟有橘園風景
異碧叢叢裏萬黃金

冬日田園雜興十二絕

斜日低山片月高睡餘行藥繞江郊霜風掃盡千林
葉閑倚筇枝數鶴巢

炙背簷前日似烘暖醺醺後困蒙蒙過門走馬何官
職側帽籠鞭戰北風

屋上添高一把茅。密泥房壁似僧寮。從教屋外陰風吼。卧聽籬頭響玉簫。

松節燃膏當燭籠。凝煙如墨暗房櫳。晚來拭淨南窗紙。便覺斜陽一倍紅。

乾高寅缺築牛宮。庖酒豚蹄酹土公。牯犝無瘟犢兒長。明年添種越城東。

放船閑看雪山晴。風定奇寒晚更凝。坐聽一篙珠玉碎。不知湖面已成冰。

撥雪挑來踏地菘。味如蜜藕更肥醲。朱門肉食無風味。只作尋常菜把供。

楮拙無煙雪。夜長地爐煨酒暖。如湯莫嗔老婦無盤飣。笑指灰中芋栗香。

煮酒春前臘後蒸。一年長饗雍_州頭青。廬居何似山居樂。秫米新來禁入城。

黃紙蠲租白紙催。皂衣旁午下鄉來。長官頭腦冬烘甚。乞汝青銅買酒迴。

探梅公子欵柴門。枝北枝南惣未春。忽見小桃紅似錦。却疑儂是武陵人。

村巷冬年見俗情。隣翁講禮拜柴荆。長衫布縷如霜雪。云是家機自織成。

首句見長官。其昏。其昏。其昏。

自晨至午起居飲食皆以墻外人物之聲
為節戲書四絕

巷南敲板報殘更街北彈絲行誦經已被兩人驚
夢斷誰家風鶴聞鳴鈴

菜市喧時窓透明餅師叫後藥煎成閑居日出都無
事惟有開門掃地聲

北岩教回撾鼓遠東禪飯熟打鍾頻小童三喚先生
起日滿東窓煖似春

起傍東窓手把書華顛種種不禁梳朝飡欲到須巾
裏已有重來晚市魚

舫齋信筆

燕居故可樂病卧翻可憐身閒儻更健其人半神仙
既無揚州鶴龍鍾任吾年南齋深而明略似西江船
船中何所有藥氣雜爐煙親朋稀老伴暫來即飄然
秋蠅獨戀戀終朝相撲緣霜晴日色濃窓紙烘春妍
但愁添眼花暝坐聊參禪困從定中生魯騰夢相牽
三昧未得力十魔方現前欠伸付一笑朽腐難瑯鐳
東藍午齋動風順鐘鼓傳家人亦相呼趣具先生餐
牛飼能幾何蟬腹易便便此日雖可惜姑付食與眠
病中不復問節序四遇重陽既不能登高又

不觴客聊書老懷

四時變遷翻覆手百卉於人亦何有騷客顛詩亦狂
酒強惜黃花愛重九少年習氣似陶公采采金英滿
衣袖攜壺木末最闕情歌帽風前幾搔首饒吻偏憐
粽粟香新衣不管囊萸臭貪將節物趁遨頭肯向賓
筵稱病叟如今衰颯悟空華現在去來飛電走登臨
舊迹如夢斷觴詠故人多骨朽百年長短隨隙駒萬
化陳新直芻狗不堪把玩堪一笑安用歲時歌拊缶
家人亦復探新筍插花洗醖為翁壽蒲團困坐眼慵
開莫把故情看老醜挽鬚兒女太癡生更問今年有

詩否

閶門初泛二十四韻

淳熙丙午重九後十日家人
輩以予久病適新修小舫勸

扶頭一出以檣枝屯滯遂至北城檢校桃花塢出關榜
漕河望楓橋橫塘中路而還故有即事詠景唐律之作

好在馳煙路平生載酒行推藏身久病契闊歲頻更
昨夜燈花曉今朝稻把晴出門新夢境觸目舊詩情
水遠推蓬眩天寬倚拖驚轉灣添綵挽菴岸併篙撐
舫後裝兒女艫前酌弟兄醅香新翹嫩茗味小春輕
紅皺分霜果黃蕪撚夕英纈林踈露屋朱閣靜臨城
桃塢論今昔楓橋管送迎山罾樵檐動木末酒旗明
竟日窰煙直中流塔影橫數帆殘照滿一笛暮江平

照網楓邊桁牽罾柳際棚岫雲縈石住田水穴堤鳴
過渡牛歸速穿籬犬吠獐魚寒猶作陣鴈遠更聞聲
急擄潮痕出踈鍾暝色生隣翁欣聞訊逋客愧寒盟
一昨成歸卧于今負耦耕生涯都塌颯心曲漫崢嶸
猿鶴休多怨菰萸尚可羹藥囊吾厭苦扶僊且班荆

小春海棠來禽

東君好事情惜年華偏愛荒園野老家一任西風管搖
落小春自管數枝花

丙午東宮壽詩

國象丁年盛天開甲觀祥黃禹增煥炳赤伏衍明昌
一日三天見元辰萬國康姿神輝玉裕德業粲金相
書聖規定宸藻文心儷漢章乾坤參久大日月並升常
祖武瞻興慶親庭拱未央晨昏兩慈壺詩禮一賢王
道統家傳正炎圖國本強桑弧仍穀與銅律又清商
舊事蘭猗殿新涼桂子香黃華先喜裏露青女緩行霜
史賀星同軌農歌稼滌場與齡占夢帝多祐叶思皇
磐石重山固靈源少海長三宮同壽域歲歲頌無疆

重陽後菊花二首

寂寞東籬濕露華依前金殿尚照泥沙世情兒女無高
韻只看重陽一日花

○過了登高菊尚新。酒徒詩客斷知聞。恰如退士垂車後。勢利交親不到門。

驟寒吟

九月奇寒前未聞。蒼南巷北無行人。冥凌盡用大冬手。肯爲歲華留小春。陰風吹雨作冰屑。馳裘如鐵綿裘折。可憐籬下木芙蓉。不獨宜霜更宜雪。

重陽後半月天氣溫麗。忽變奇寒。晦日大雪。鄉人御冬之計多未辦。

狂飈吹小春。刮面劇劔鋸。雲氣潑濃墨。午窓變曛黃。六花大如掌。浩蕩來無鄉。青女正熟睡。不記行新霜。

寒暑故密移。滕巽乃尔狂。南隣炭未買。北隣綿未裝。敢論酒價湧。束薪逾桂芳。豈不解蚤計。善舞須袖長。頻年田薄收。十家九空囊。被凍知不免。但恨太匆忙。今朝復何朝。晴色掛屋梁。人物各解嚴。兒童笑相將。熙如谷黍溫。免作溝木僵。兩隣報無恙。爲汝歌慨慷。

戲詠絮帽

簡伯俊傳此樣
睡中甚禦寒氣

尖斜緇撮似堯盔。緊護風寒暖白頭。不解兵前當箭鏃。解令曉枕睡齁齁。

雪中送炭與龍共養正

立春前五日

誰與幽人暖。直身筠籠衝雪送。烏薪煩君笑。領婆歡。

喜探借新年五日春

○代門生作立春書門貼子詩四首

暖日黃金柳。光風白玉梅。門闌開壽域。人物滿春臺。
有喜何須藥。無塵即是仙。壺中春日月。聊數八千年。
草木霑雲露。峯巒近壁奎。新春行樂處。南北共花溪。
日月添書帙。湖山引杖藜。賸周花甲子。多醉玉東西。

石湖居士文集卷第二十八

石湖居士文集卷第二十九

詩

送聞人伯卿赴銅陵

雪壓關山晝掩扃。故人何事短長亭。折腰直爲銚無粟。
便腹猶憐筍有經。牒訴塵埃頭更白。簡編燈火眼終青。
可憐東壁輝光外。寥落江湖處士星。

重送伯卿

雪花來無時。入春遂三作。冰柱凍不解。去地纔一握。
東風畏竒寒。未敢破梅萼。已僵負嶠蠶。那問紇干雀。
萬徑無行蹤。扣戶驚剥啄。故人竹葉舟。歲晚夢漂泊。

自云饑所驅豈不念丘壑經誼金華省文采石渠閣
平生百未試墨綬嚇猿鶴取捨一熊掌得喪兩蝸角
不嫌平進鈍俯仰無愧怍低回簿書叢萬卷無處著
惜哉小舉袖負此不龜藥頗聞江皋縣訟簡民氣樂
政成松竹林詁訓緝家學迺翁力蓄畬待子收播獲
三年此書出衆說眇螢爝持歸許闕觀慰我久離索
今朝雲潑墨霰雨縱橫落檣竿挽不住帆峭北風惡
難忘昆弟語易散清夜酌匆匆別知賦掩涕倚郭郭

送壽老往雲間行化

天平舡子過華亭舍衛城中次第行留取鉢盂歸院

洗東巖新出一泉清

次韻知府王仲行尚書鹿鳴燕古風

昔人重遠行供帳餞出祖矧今燕嘉賓宜有贈行語
府公文章公青紫拾芥取聯翩二百言字字勸稽古
戒之書魚蠹勉以雲鵬舉作霖要實用洗兵嫌不武
諸生承意氣脫迹蛻農圃明年一聲雷幽蟄起平楚
班行入鴛鴦榜貼綴龍虎回頭謝府公公言非謾與
府公亦廟廊來涖瓊林俎千載吳趨行愁絕白紵舞
我聞有此作病卧嗟未睹今晨梅驛動副墨到衡宇
調高瑟音希芒寒劍光吐誰云鹿鳴廢正賴廣微補

當年羣玉會方駕蕭颯羽倡酬久寂寞解后相勞苦
世故萬浮雲交情一舊雨誰當將詩壇君實東道主

苦寒六言

簷冰低掛欄角隙雪斜侵坐隅春後一寒如此梅花
有信來無

○丁未春日瓶中梅殊未開二首

暖閣無人到寒枝爲我橫情鍾吹藥破靜極覺香生
老去魂休斷春來眼且明迥禪時索笑百匝傍窻行
夜雪臘前凍朝陽春後蘇人憐踈蕊瘦花笑病翁矐
露白能多少尋春似有無詩催全不力煮水換銅壺

再題瓶中梅花

園林籬落凍芳塵南北枝間玉蘂皴風袂挽香雖淡
薄月窻橫影已精神雪霜春事年年晚今古詩情日
日新鐵石如翁猶索句真成嚼蠟對橫陳

王仲行尚書錄示近詩聞今日勸農靈巖

次韻紀事

館娃宮殿壓雲頭自昔登臨隘九州雪浪長風三萬
頃蒼煙古木二千秋賓僚誰伴作詩苦父老競傳敷
政優想見歸驂穿夜市月邊燈火滿西樓

仲行再示新句復次韻述懷

神仙懶學古浮丘，祖意慵參老趙州。
四壁塵埃心似水，一生風露鬢先秋。
病衰謹謝吳中客，技拙甘同楚國優。
斥鷃蓬蒿元自足，世間何必卧高樓。

李子永赴溧水過吳訪別戲書送之

萬壑斷流冰塞州，千巖森玉雪漫天。
匆匆葉縣雙鳧鳥，換却山陰訪戴舡。

犯寒書劔出春蘿，風雪橋邊得句多。
牒訴繽紛似煙海，梅花時節柰君何。

民病春疫作詩憫之

乖氣肆行傷好春，十家九室寒將呻。
陰陽何者強作孽，天地豈其真不仁。
去臘竒寒衾似鐵，連年薄熟甑生塵。
疲暈憊矣可更病，我作此詩當感神。

題夫差廟

縱敵稽山禍已胎，垂涎上國更荒哉。
不知養虎自遺患，只道求魚無後災。
夢見梧桐生後圃，眼看麋鹿上高臺。
千齡只有忠臣恨，化作濤江雪浪堆。

翻韞庵夜坐聞雨

閑門冷落靜無譁，小閣簾幃密自遮。
日晚課程丹竈火，夜深光景佛燈花。
人生寧有病連歲，身世略如僧在家。
步屨尋春非老伴，任教風雨喚雷車。

睡起

憨憨與世共兒嬉兀兀從人笑我癡閑裏事忙晴
藥靜中機動夜爭棋心情詩卷無佳句時節梅花有
好枝熟睡覺來何所欠羶根香軟飯流匙

賞海棠三絕

芳春隨分到貧家兒女多情惜歲華聊為海棠修故
事去年燈燭去年花

燭光花影兩相宜占斷光風二月時但得常如妃子
醉何妨獨欠少陵詩

憶向宣華夜倚欄花光妍暖月光寒如今蹋颯嫌風

露且只銅瓶滿插看

午窻遣興家人謀過石湖

雲日初收破柱雷小窻坐穩興悠哉燠爐花氣朝醒
解茶鼎松風午夢迴謝客門闌風動竹惜春時節雨
肥梅畫舫破浪亦一快聞道湖光如撥醅

將至石湖道中書事

水綠鷗邊漲天青鴈外晴柳堤隨草遠麥壠帶桑平
白道吳新郭蒼煙越故城稍聞雞犬鬧僮僕想來迎

三月十六日石湖書事三首

春事日以闌暑陰正清美拖筇入林下秀綠照衣袂

極有風致
此後著景
顏唐日趣
於平易矣

盧橘梅子黃櫻桃桑葚紫荷依浪花顫筍破苔色起
風日收宿陰物色有新意隣曲知我歸爭來問何似
病惱今有無加飯日能幾掀髯謝父老衰雪已如此
種木二十年手開南野荒萐萐新歲月依舊林塘
汙菜擅下濕岑蔚驕衆芳菱母尚能瘦竹孫如許長
憶初學圃時刀笠冒風霜今茲百不堪裹帽人扶將
龍鍾數能來猶勝兩相忘

湖光明可鑑山色淨如沐閑心愜舊觀愁眼快奇矚
依然北窻下凝塵滿書簾訪我烏皮几拂我青氎褥
荒哉賦遠游幸甚遂初服老紅餞餘春衆綠自幽馥

好風吹晚晴斜照入踈竹兀坐胎息勻不覺清夢熟
或勸病中不宜數親文墨醫亦歸各題
四絕以自戒末篇又以解嘲

作字腕中百斛吟詩天外片心習氣吹劒一呖病軀
垂堂千金

意馬場中汗血隙駒影裏心灰古蠲筆墨安用付與
蛛絲壁煤

詩成徒能泣鬼博塞未必亡羊剛將妄言綺語認作
錦心繡腸

師燿尚合餘燼羹熟休吹冷藿解醒縱無五斗且復

月攘一雞

送遂寧何道士自潭湘歸蜀

塵埃波浪幾東西歸去丹瓢桂杖藜成已爐中真造
化功成分我一刀圭

書劍飄然席未温火雲撲地暑煙昏山黃水濁湖南
路竹月荷風憶范村

立秋二絕

戴楸葉食瓜水吞赤小
豆七粒皆吳中節物也

三伏熏蒸四大愁暑中方信此生浮歲華過半休惆
悵且對西風賀立秋

拚枝楸葉起園瓜赤小如珠嚙井花洗濯煩襟酬節

物安排笑口問生涯

秋雷歎

吳諺云秋字轆損萬
斛謂立秋日雷也

立秋之雷損萬斛。吳儂記此占年穀。汰哉靈靈無藉
在。政用此時鳴字轆。向來夏旱連三月。吁嗟上訴聲
滿屋。訟風未愁復占雷。助魃為妖天吏酷。我雖閑寂
忝祠史。家請官供尚倉粟。塵甑貧交滿目前。卒歲將
何捄。枵腹但願吳儂言不驗。共割黃雲炊白玉。天人
遠近叵戲論。裨竈安能尸禍福。

用漢中帥閻才元侍郎韻送樊子南西
歸兼呈侍郎

萬里山巔與水涯春風招看杏園花向來科第直洞
子此去文章應滿家休學遊仙窮越嶺且從知己控
褒斜南樓東望當思我藥裹堆中兩鬢華

窮探勝境多見巽
人南樓侍郎新作

子南嘗自
岷山西遊

書樊子南遊西山二記後

仙山草木鎖卿雲不到花平不離塵十丈牡丹如錦
蓋人間姚魏却爭春

右牡丹瓶

春晚娑羅百葉開仙翁精舍長蓬萊朝元未罷門深
閉不管人間有客來

右大面

題天平壽老方丈

二十三年再入山此山於我有前緣時人不用憐衰

病天與丹房一線泉

壽老近於半山石壁之中得泉眼如
筋清泉如一線涓涓而出大旱不增

減款為余作小菴
於泉傍以煉丹云

再遊天平有懷舊事且得卓菴之處呈壽

老

訪舊光陰二十年殘僧相對兩依然木蘭已老無花
發石竹依前有麝眠萬戶直須龜手藥一龕何用買
山錢從今半座須分我共說昏昏一覺禪

重九日行營壽藏之地

家山隨處可行楸。荷鋪推壺似醉劉。縱有千年鐵門限。終湏一箇土饅頭。三輪世界猶灰劫。四大形骸強首丘。螻蟻烏鳶何厚薄。臨風拊掌菊花秋。

得壽藏於先隴之傍。俯酬素願。感旣交懷。密邇松楸地。一隅會心。何必問青烏。亢宗雖愧鎮公子。沒世尚從先大夫。京兆漢阡賢問望。邢山鄭家儉規模。家庭遺訓。君蒿在不學。邠鄉畫古圖。

晚登木瀆小樓

萬象當樓繡繡張。欄干一士立蒼茫。江雲堆不動。山深碧星出無多。月淡黃。宿鳥盡時。猶數點。歸鴻驚處。更斜。仔松陵。政有鱸魚上。安得長竿坐釣航。

題秋鷺圖

昨夜新霜冷。釣磯綠荷消瘦。碧蘆肥。一江秋色無人問。盡屬風標兩雪衣。

送蘇秀才歸永嘉

再入庭闈再入山。偷閑百日了金丹。他年拔宅上升後。休道使親忘我難。大道疑神術。養形神俱煉。始功成。勸君觀妙還觀。微先作頑仙地上行。

東宮壽詩 丁未年

有赫題期盛無疆嗣歷昌中興歸濟哲重慶啟元良

兩亥開基遠三丁系統長 恭惟 藝祖太宗皇帝既命皆在亥 今太工主上殿 既天元下

皆在帝咨同物瑞人卜降年祥離日融雙照乾天秉

少陽晨昏周內宿詩禮舜巖廊極右辰居煥心前火

德光與齡偕聖父得壽叶虛皇銅律風占允瑤山樂

奏商蕙芳鄰五位菊色麗中央視膳斑衣拱傳觴玉

契將宸楓霜獻葉僊桂月輸香薰炷爭延祝吟殿曷

讚揚形容仁與孝步障有雲章

送同年朱師古龍圖赴潼川

杏園耆舊如晨星白頭相對眼故青奉常禮樂照東

蜀十年清名留漢廷蜀人減估天恩厚高議清陰猶 舞枯

記否邇來聞道更蠲除此段始終君一手歸見岷峨

無愧詞父老笑迎還歎咨賈生未可去官室屯膏一

州誰謂宜魏闕江湖關出處招頭不用催鳴擗遙知

夢境尚京塵啞咤滿舡聞魯曾語 蜀士仕於朝者所買婢妾例不肯隨歸獨師古家無

一人肯相捨傳以為奇事蜀人以中原語音為魯語

題趙希遠按鷹圖

學射春山萬歲湖牙門獵騎卷平蕪如今黃土源邊

夢猶識呼鷹族犬圖

題米元暉吳興山水橫卷

道場山麓接何山。影落蒼溪浸碧瀾。只欠荷花三十里。橈頭船上把漁竿。

圍田歎四絕

萬夫墜水水乾源。障斷江湖極目天。秋潦灌河無洩處。眼看漂盡小家田。

山邊百畝古民田。田外新圍截半川。六七月間天不雨。若爲車水到山邊。

壑鄰罔利一家優。水旱無防衆戶愁。浪說新收若干稅。不知逋失萬新收。

臺家水利有科條。膏潤千年廢一朝。安得能言兩黃鵠。爲君重唱復陂謠。

素羹

羶芋凝酥敵少城。土諸割玉勝南京。合和二物歸藜糝。新法儂家骨董羹。

夜雨

燭花垂穗伴空齋。心事如灰入壯懷。老倦更闌惟熟睡。任他踈雨滴空階。

野景

菰蒲聲裏荻花乾。路鳥立江天水鏡寬。畫不能成詩不

到筆端無處着荒寒

除夜地爐書事

節物閑門裏人情老境中
鴈聲凌急雨燈影戰斜風
糟醕新醅白柴錐軟火紅
家人欣夜話我已困蒙茸

吳人酌酒甕浮醅謂之擊醕酒之精英也

元日立春感歎有作二首

元日蕪春日霜寒又雪寒
併煩傳菜手同捧頌椒盤
疊膝稀穿履扶頭懶正冠
五年如此度寧得諱衰殘
元日蕪春日閑身是老身
行年申直戊交運丑支辛
豈敢慕安佚聊希刮鈍屯
兒童看書戶把筆已如神

古鼎作香爐

雲雷縈帶古文章
子子孫孫永奉嘗
辛苦勒銘成底事
如今流落管燒香

偶書

捏目華中影現身
有為皆妄懶方真
已甘搢搢勤爲圃
休向滔滔苦問津
書至五千空拄腹
錢非十萬不通神
君看汗簡沉碑者
隨水隨風幾窖塵

太上皇帝靈駕發引挽歌詞六首

絳運鍾陽九興王撫半千
斷鼈媧立極翔鳳漢中天
宵時三星紀希夷十閏年
聲容彌宇宙活石不勝鐫

此石湖自寓也時以祠官奉香火

自將吳津騎。誰嬰秦一鋒。旄頭連夜落。京觀隔江封。
舞武三成備。書文九譯重。修攘遺策在。嗣聖續車攻。
簫勺妖氛靜。甄陶叶氣還。春回慈殿駕。天作祐陵山。
開闢風雲慘。登平日月閑。艱難雖獨瘠。壽域徧人間。
傳聖家人禮。凝神象帝先。勛華今曆數。汾射古山川。
衆父尊歸父。中天更有天。壽官何所厭。亟上白雲仙。
帝業雖天廣。皇心本谷虛。神應游渾沌。夢不返華胥。
校德難涯浚。銘功惣緒餘。誰能言大道。第入四墳書。
文德堯新廟。威靈禹舊山。海門賓羽衛。地軸啓雲關。
無路攀仙駕。當年拱聖顏。小臣衰疾淚。空望帝鄉潛。

別擬

太上皇帝挽歌詞六首

不進

身濟投艱業。時乘撥亂機。荆榛荒帳殿。風雨頽戎衣。
有日臨黃道。無星彗紫微。至今淮海上。猶詠六龍飛。

太上皇帝初載御製詩云
六龍轉淮海。萬騎臨吳津。

大孝天孚佑。精誠敵可摧。龍輶遷座至。魏馭及泉回。
永祐千章木。慈寧萬壽杯。古今無此事。絕德詔方來。
歛福開皇極。儲祥握赤符。冠降千獫狁。胡拜兩單于。

遺誥之下。淮北父老涕泣曰。
實受北虜兩朝之拜。謂宣亮二首皆嘗在聘使中。

太上皇帝真主也。

洗甲民安

枕垂衣國覆。五有生何以報。壽域巨縣區。

與子傳神器。承家得聖人。堦庭天下養。壺嶠海中春。

四葉班衣樂三加玉冊新壽宮如帝所何必上霄晨
舞羽脩文後投戈講藝時天章雲漢麗國典日星垂
麟絕仲尼筆猿啼神禹碑傷心河洛水無處問龍龜
甫賀蠅傳赦俄驚鶴馭風首山銅鼎就前殿玉卮空
日豈揮戈及天無鍊石功如何千萬壽不待九齡終

送許耀卿監丞同年赴靜江倅四絕

南國春深鴈散回湘江花浪一帆開知君不爲駭鸞
去直爲淵明五斗來

羅帶江流碧玉峰舊游如夢一星終煩披蘚石尋題
字定有人能記此翁

鴈塔交親比斷金故人歲晚更情深只今不隔同年
回想見青雲異月心
官塗真有上竿魚玉筍翻乘別駕車聞道留行有公
論從今日日看除書

石湖居士文集卷第二十九

石湖居士文集卷第三十

詩

次韻虞子建見哈贖帶作醮

毬路 錦文也

齋祠難着野衣冠。旋贖金章始見閑。台架塵侵毬路
暗。花書墨漬笏頭斑。當年駟騎傳呼賜。此日村僮拂
拭還。若比前廳荒驛舍。見存猶可一開顏。
兒女傳觀省見稀。病身聊復借光輝。莫嫌憔悴沈腰
瘦。且喜間關秦璧歸。不是典來還酒債。亦非將去換
蓑衣。塵魚甌釜時相阮。微汝誰能為解圍。

顏橋道中

村村籬落物新脩處處田疇盡有秋一段農家好風
景稻堆高出屋山頭

上沙捨舟

村北村南打稻聲竹輿隨處款柴荆斜陽倒景天如
醉明日山行更好晴

宿閭門

五更潮落水鳴船霜送新寒到枕邊報道霧收紅日
上野翁猶蓋短篷眠

携家石湖賞拒霜

水上晴雲絲竦橫許多蜂蝶趁船行漁樵引入新花
塢兒女扶登小錦城艷粉發粧朝日麗濕紅浮影晚
波清誰知揺落霜林畔一段韶光畫不成

壽櫟東齋午坐

屋角靜突兀雲氣低濛鴻殘葉颭踈雨孤花側淒風
北窓午睡起一笑萬事空無人共此意莎堦咽微蛩

晚思

蘚墻莎砌響幽幽蟲睡起繡書覺夢中殘暑一窓風不
動秋陽入竹碎青紅

壽櫟堂枕上

禪牀初著小山屏夜久秋涼枕席清繞鬢飛蚊妨好

睡卧聽簷雨入池聲

宿妙庭觀次東坡舊韻

挂殿吹笙夜不歸蘇仙詩板挂空悲世人舐鼎何須
笑猶勝先生夢石芝

升降三田自有丹浪尋盤鼎斲仙壇扣門倦客惟思

睡容膝菴中一枕安

觀董雙成故宅元祐間修造掘地得琉璃盤銅鼎中有丹已而盤碎失丹

惟鼎存坡詩蓋紀其事鼎後為宣和殿取去

餘杭初出陸

村媪群觀笑老翁官塗何處若龍鍾霜毛瘦骨猶千
騎少見行人似箇儂

桐廬江中初打槳

二十年前鬢未斑下灘歸路落潮乾如今衰雪三千
丈却趁潮平再上灘

釣臺

久矣心空客路埃茲行端為主恩來杜陵詩是吾詩
句卧病豈登江上臺

和豐驛

晚境惟於閉戶宜出門惟有病相隨四方雖是男兒
志莫忘柯山在莒時

次韻龔養正病中見寄

衰翁掃軌欲垂車怪子頽然也向隅激水要今風在
下涸泉翻以沫相濡瘠肥邈爾自秦越勢利紛然皆
耳餘且復放船來話舊不妨蓮葉卧看書

題蜀果圖四首

木瓜

沉沉黛色濃糝糝金沙絢却笑宣州房競作紅粧面

櫻桃

火齊寶瓔珞垂於綠繭絲幽禽都未覺和露折新枝

石榴

日烘古錦囊露浥紅瑪瑙玉池燕清肥三彭跡如掃

甘瓜

夏膚麤已皺秋蒂熟將脫不辭抱蔓方歸聊慰相如渴

李粹伯侍御挽詞二首

奕葉邯鄲後乘駟第一人交情多舊雨到處有陽春
碯落功名意摧頽夢幻身黃墟高可隱何地著經綸
公昔叅敷納人期到辨章珠光空月皎玉氣忽虹藏
歲晚東方騎生平北海觴玳簪風雨散幾客莫揪行

次韻袁起巖提刑遊金焦二山二首

二山巉絕照南州俯看千樯櫓芥舟日脚鎔金得浮巨
浸波聲翻雪撼高丘鍾聞兩岸詩無敵口吸西江話

已酬別有英雄懷古意他年擊楫誓中流
憶曾歸自雪邊州帆落中瀨小繫舟食蛤坐來期汗
漫駕鴻飛去揖浮丘卧遊久矣無登覽辱贈定然有
唱酬寂寞果臯舒嘯後為君濡筆賦臨流

○次韻謝鄭少融尚書為壽之作

交游稀似曉來星歲月飄如水上萍挂海官情詩可
絕吳山別恨酒難平我今以病為欣戚公合於時繫
重輕安得故人來話舊碧虛上日日暮雲生

近見尚書再和桂林詩成

大與尚書相別於桂林今十二年矣

鄭少融尚書初除端殿以書見及賦詩為

賀

敬老尊賢大政初速郵響動報新除即從光範開門
館先向文明直殿廬後日沙堤新宰相當年革履舊
尚書鋒車若向吳中路應記南山有荷耜

書事三絕

褻婢請淘酒米園丁催算花錢如許日生公事誰云
窮巷蕭然

日日處方候脉時時推策穰灾門外雖無車轍醫
生卜叟猶來

簡子約同湖棹周郎許過田廬碧雲日暮空合多病

故人遠踈

親隣招集強徃便歸

樂天漸老欲謀歡大似蒸砂不作團已覺笙歌無暖
熱仍嫌風月太清寒氣衰况復三而竭心賞尤於四
者難却恐人嫌深補太薄聊將花作霧中看

次韻袁起巖常熟道中三絕句

小雨蕭寒破晚晴踈踈密密滴簷聲烏鴉盤舞黃雲
亂早與商量雪意生

吳徑難勝四牡駢扁舟辛苦鑿冰歸簡書鞅掌吟詩
苦併與東陽減帶圍

使君橫槊賦詩回斷取天風海雨來絲筆從今閑不
得雪花梅蘂一時開

次韻袁起巖許浦按教水軍二絕句

橫波組練試揚舲風捲魚龍海欲疑但得綈袍如挾
纊何妨鐵甲冷如冰

戈舡戰棹疾如飛莫遣潮沙澱海湄草奏直須窮利
病奉身從此繫安危

次韻袁起巖喜雪

吹成一雪便吹殘風伯無端豈坐慳夜報飛花平瓦
壠曉驚踈雨落簷間休教凍解魚龍水更待誠通虎

豹關準擬姑蘇臺上看春前三度老青山袁詩猶以雪未甚積必念此意當益感通矣

枕上聞雪復作方以為喜起巖再示新詩
復次韻

三白何憂稼穡艱天於至玉粒米吾慳不知夜色明空
外但覺朝寒到夢間誰子騎驢吟灞上何人跋馬客
藍關爭如睡熟團蒲上靜聽飢鴉啄屋山

起巖又送立春日再得雪詩亦次韻

十分佳景媚冬殘好事天心不復慳已遣梅花斜竹
外更飄瑞葉向人間渙蕤晚色都堪畫羌笛春光亦
度關想得東風來處路白銀宮闕鎖三山

同年楊廷秀祕監接伴北道使道中走寄見
懷之什次韻答之

昨遣長鬚迓詩老人言已過閭門了梅邊腸斷傍寒
溪詩老官忙應未知何時真訪山中許已辦竹深留
客處只恐歸程官更忙天驕催上沙堤去

曉枕聞雨

暗淡更殘景低迷病酒懷剔燈寒作伴添被厚如埋
膽冷都無夢心空却似齋地爐煎粥沸聽作雨鳴堦
雪意方濃復作雨

擬看飛花陣。翻成建水聲。雨吾寧不識。雪汝幾時成。
三白從今卜。千倉待此盈。黃雲如有意。青女莫無情。

春朝早起

莫笑眠常早。還憐起不遲。穠香溫夜氣。小雨濕春姿。
瘦比中年甚。寒惟病骨知。羨渠兒女健。繞屋探南枝。

詠懷自嘲

簷溜春猶凍。門扉晚未開。退閑驚客至。衰懶怕書來。
日日教澆竹。朝朝遣探梅。園丁應竊笑。猶自說心灰。

早衰

早衰頭腦已冬烘。信拙心情似苦空。僚舊姓名多撻

忘家人長短。物伴龍耳一窗暖。日暮聲裏四壁寒。燈藥
氣中晚景只消如此過。不堪拈出教兒童。

習閑

習閑成懶懶。成癡六用都藏縮。似龜雪已許多。猶不
飲梅今如此。尚無詩閑看。猫暖眠。檀褥靜聽。獨寒叫
竹籬。寂寞無人同。此意時時惟。有睡魔知。

一龕

一龕窄似鳥窠禪。世界悠悠任大千。與老有情冬後
暖。去仙無幾日。高眠斫開竹。後初二徑忘却詩來。又
一年。破戒忽題無味句。劣能成字不成篇。

此種雖淵
南宋末年
尖新一點
並亦自輕
後可喜

陰寒終日兀坐

東風微解綴簷冰。仍喜朝來井水清。臘淺得春全未
暖。雪慳和雨最難晴。小窓日煖猶碁局。窮巷更深尚
屐聲。莫把摧頽嫌暮景。且將閑散替勞生。

親戚小集

避濕違寒不出門。一冬未省正冠巾。月從雪後皆奇
夜。天向梅邊有別春。秉燭登臨空話舊。擁爐情味莫
懷新。榮華勢利輸人慣。贏得尊前見在身。

立春枕上

擇蔬翻餅鬧殘更。兒女喧喧短夢驚。想得春風連夜

到東禪粥鼓忽分明

睡覺

尋思斷夢半瞢騰。漸見天窓紙瓦明。宿鳥噪群穿竹
去。縣前猶自打殘更。

石湖居士文集卷第三十一

臘月村田樂府十首

并叙

余歸石湖。往來田家。得歲暮十事。採其語。各賦一詩。以識土風。號村田樂府。其一冬春行臘日春米為一歲計。多聚杵臼。盡臘中畢事。藏之土瓦倉中。經年不壞。謂之冬春米。其二燈市行風俗。尤競上元。一月前已賣燈。謂之燈市。價貴者。數人聚博。勝則得之。喧盛不減燈市。其三祭竈。詞臘月二十四夜。祀竈。其說謂竈神翌日朝天。白一歲事故。前期禱之。其四口數粥。

行二十五日煮赤豆作糜莫夜闔家同饗云能辟瘟
氣雖遠出未歸者亦留貯口分至襁褓小兒及僮僕
皆預故名口數粥豆粥本正月望日祭門故事流傳
爲此其五爆竹行此它郡所同而吳中特盛惡鬼蓋
畏此聲古以歲朝而吳以二十五夜其六燒火盆行
爆竹之夕人家各又於門首燃薪滿盆無貧富皆爾
謂之相暖熱其七照田蠶詞與燒火盆同日村落則
以禿帚若麻蘘竹枝輩燃火炬縛長竿之杪以照田
爛然徧野以祈絲穀其八分歲詞除夜祭其先竣事
長幼聚飲祝頌而散謂之分歲其九賣癡獸詞分歲
罷小兒繞街呼叫云賣汝癡賣汝獸世傳吳人多獸
故兒輩諱之欲買其餘益可笑其十打灰堆詞除夜
將曉雞且鳴婢獲持杖擊糞壤致詞以祈利市謂之
打灰堆此本彭蠡清洪君廟中如願故事惟吳下至
今不廢云

冬春行

臘中儲蓄百事利第一先春年計米群呼步碓滿門
庭運杵成風雷動地篩勻箕健無糶糠百斛只費三
日忙齊頭圓潔箭子長隔籬耀日雪生光土倉瓦甃
分蓋藏不蠹不腐常新香去年薄收飯不足今年頓

頓炊白玉春耕有種夏有糧接到明年秋刈熟隣叟
來觀還歎嗟貧人一飽不可賒官租私債紛如麻有
米冬春能幾家

燈市行

吳臺今古繁華地偏愛元宵^宵影燈戲春前臘後天好
晴已向街頭作燈市疊玉千絲似鬼工剪羅萬眼人
力窮兩品爭新最先出不待三五迎東風見郎種麥
荷鋤倦偷閑也向城中看酒壚博簊雜歌呼夜夜長
如正月半災傷不反^及什之三歲寒民氣如春酣儂家
亦幸荒田少始覺城中燈市好

祭竈詞

古傳臘月二十四竈君朝天欲言事雲車風馬小留
連家有杯盤豐典祀猪頭爛熟雙魚鮮豆沙甘鬆粉
餌圓男兒酌獻女兒避酌酒燒錢竈君喜婢子鬪爭
君莫聞貓犬觸穢君莫嗔送君醉飽登天門杓長杓
短勿復云乞取利市歸來分

口數粥行

家家臘月二十五浙米如珠和豆煮大杓轆鐺分口
數疫鬼聞香走無處鏝薑屑桂澆蔗糖滑甘無比勝
黃梁全家團藥罷晚飯在遠行人亦留分襍中孩子

強教嘗餘波徧霑獲與感新元叶氣調玉燭天行已
過來萬福物無疵癘年穀熟長向臘殘分豆粥

爆竹行

歲朝爆竹傳自昔吳儂政用前五日食殘豆粥掃罷
塵截筒五尺煨以薪節間汗流火力透健僕取將仍
疾走兒童却立避其鋒當階擊地雷雷霆吼一聲兩聲
百鬼驚三聲四聲鬼巢傾十聲百聲神道寧八方上
下皆和平却拾焦頭疊床底猶有餘威可驅漏屏除
藥裏添酒杯盡日嬉遊夜濃睡

燒火盆行

春前五日初更後排門燃火如晴晝大家薪乾勝豆
蕪小家帶葉燒生紫青煙滿城天半白栖鳥驚啼飛
格磔兒孫圍坐犬雞忙隣曲歡笑遙相望黃宮氣應
纔兩月歲陰猶驕風栗烈將迎陽艷作好春政要火
盆生暖熱

照田蠶行

鄉村臘月二十五長竿燃炬照南畝近似雲開森列
星遠如風起飄流螢今春雨雹蠶絲少秋日雷鳴稻
堆小儂家今夜火最明的知新歲田蠶好夜闌風焰
西復東此占最吉餘難同不惟桑賤穀芄芄仍更苧

麻無節菜無蟲

分歲詞

質明奉祠詞今古同吳儂用昏蓋土風禮成廢徹夜未
艾飲福之餘即分歲地爐火軟蒼木香釘盤栗餌如
蜂房就中脆錫專節物四坐齒頰鏘冰霜小兒但喜
新年至頭角長成添意氣老翁把杯心茫然增年翻
是減吾年荆釵勸酒仍祝願但願尊前且強健君者
今歲舊交親大有人無此杯分老翁飲罷笑撫鬚明
朝重來醉屠蘇

賣癡獸詞

除夕更闌人不睡厭襪鈍滯迎新歲小兒呼叫走長
街云有癡獸召人買二物於人誰獨無就中吳儂仍
有餘巷南巷北賣不得相逢大笑相柳揄櫟翁塊坐
重簾下獨要買添令問價見云翁買不須錢奉餘癡
獸千百年

打灰堆詞

除夜將闌曉星爛糞掃堆頭打如願杖敲灰起飛撲
籬不嫌灰泥新節衣老媪當前再三祝只要我家長
富足輕舟作商重舡歸大特引犢雞哺兒野繭可繅
麥兩岐短衲換着長衫衣當年婢子挽不住有耳猶

問價奇
奉賒更
奇

能聞我語但如我願不汝呼一任汝歸彭蠡湖

自嘲二絕

終日嘵嘵漫說空觸來依舊與爭鋒登時覺悟忙收
拾已是闍梨飯後鍾

惡聲惡色橫相干覲面須臾萬箭攢有客癡龍身都不
動方知我被見聞謾

海棠欲開雨作

春睡花枝醉夢回安排銀燭照粧臺蒼茫不解東風
意政用此時吹雨來

雨再作正妨海棠

漂紅濕紫滿莓苔潑墨濃雲尚送雷風雨豈無他日
再何須隨却海棠來

蠻觸

蠻觸紛拏室未虛心知懲忿欠工夫腹須空洞方容
物事過清涼已喪吾萬仞我山高不極一團心火莫
難圖從今立示寒灰觀笑看蒼黃走鄭巫

偶然

偶然寸木壓岑樓且放渠伊出一頭鯨漫橫江無柰
螳鵬雖運海不如鳩躬當自厚人何責世已相違我
莫求石火光中爭底事實親收拾付東流

曉泊橫塘

短夢難成却易驚披衣起漱玉池清遙知中夜南風
轉淘淘前村草市聲

次韻袁起巖瑞麥此麥兩岐已黃熟其
間又出一青枝亦已秀實傳記所未載也

民和神福固其宜况有仁先四者施吳稻即看收再
熟周年先已秀雙岐蕙風半老黃金穗梅雨重春綠
玉枝樂不可支聊發詠田間日日是芳時

次韻袁起巖甘雨即日應祈

天遣賢侯惠此州隨車一雨緩千憂樂燎坐看雲穿

屋蓮棹歸將葉蓋頭三伏涼來那易得百年飽外更
何求合詞但祝為霖手蚤侍薰絃十二旒

劉德脩少卿避暑惠山因便寄贈

鳴鳳朝陽尺五天匆匆忽過白鷗邊遙憐海內無雙
士獨酌人間第二泉決去君今身似葉贈行誰有筆
如椽老夫但祝重相見未擬銷魂賦黯然

幽棲

幽棲先自懶衣裳秋暑熏肌汗似漿對客緒言多勉
彊謀家生事總荒唐蚤眠不待星當戶晚飯常占日
半墻莫道閑中無外慕朝朝屈指望新涼

園林

園林隨分有清涼走徧人間夢幾場鐵硯磨成雙雪鬢桑弧射得一繩床光陰畫紙為碁局事業看題檢藥囊受用切身如此爾莫於身外更乾忙

七月十八日濃霧作雨不成

曉霧障朝暉日脚戰未透儻然成一雨亦足洗塵翳江南富秋暑老穉呻永晝田間翻畏涼能糝嘉穀秀昨朝東有虹光采照高柳占云天掠剝政恐耗升斗陽光趣堅實乘除或相抹臞儒雖病暘且復忍汗垢

吳人謂立秋後虹為天收雖大稔亦減分數

戲贈勤長老

從君揮塵演金乘我已無心纏葛藤第一圓通三鼓夢大千世界一窻燈罷參柏子庭前意權作梅花樹下僧飯飽閑行復閑坐人間有味是無能

次韻袁起巖送示郡沼雙蓮圖

珠淵玉水折方貞湧出雙蓮照酒邊壓倒小湖三級草增光後沼兩重蓮苕華名字元相並桃葉根株本

自連好把吳舡翻楚些揚荷新曲勝當年

洞庭小湖寺舊得瑞

像有草繞之投草湖中生二級紅蓮皮日休有木蘭後池重臺蓮詩云兩重元是一重心皆吳中瑞故事而未有雙蓮之傳也

次王正之提刑韻謝袁起巖知府送末利

利二檻

千里移根自海隅
風颿破浪走天吳
散花忽到毗邪室
似欲橫機試病夫

燕寢香中暑氣清
更煩雲鬢插瓊英
明粧暗麝俱傾國
莫與樊僊品弟兄

再賦末利二絕

薰蒸沉水意微茫
全樹飛來爛熳香
休向寒鷗看日景
祇今飛燕侍昭陽

憶曾把酒汎湘灘
末利毬邊擘荔支
一笑相逢雙玉樹
花香如夢鬢如絲

再賦郡沼雙蓮三絕

館娃魂散碧雲沉
化作雙葩寄恨深
千載不償連理願
一枝空有合歡心

池光攔檻倚斜暉
把酒看花醉不歸
但許鴛鴦相對浴
休驚翡翠一雙飛

兩岐秀罷已蒿萊
春意還從齒齒回
不是使君和氣勝
此花應向別人開

范村午坐

好風入脩篁
擣葉舞而墮
斷續一蛩吟
高下雙蝶過
凍樾午陰圓
靜極成癡坐
老便几杖供
慵廢誦弦課

蒲團軟易煖困來百骸惰四傍無人聲誰驚短夢破

石湖文集卷第三十一

石湖居士文集卷第三十二

詩

讀白傅洛中老病後詩戲書

樂天號達道晚境猶作惡陶寫賴歌酒意象頗沉着
謂言老將至不飲何時樂未能忘煖熱要是怕冷落
我老乃多戒頗似僧律縛閑心灰不燃壯氣鼓難作
豈惟背聲塵亦自屏杯酌日課數行書生經一囊藥
若使白公見應譏太蕭索當否竟如何我友試商略

秋夕不能佳眠

晝坐旣摧頽夜卧亦展轉檢校百骸間無一得安隱

四大元假合解散會歸盡何煩造化兒前期苦相窘
咄咄方書空忽發一笑鞞都緣有我相浪把此身認
於中有安否隨即生喜愠蟬聲耳根響蠅翅目中暈
無明徧大千祇自植愁本化兒安在哉作詩謝不敏

王正之提刑見和末利小詩甚工今日末
利漸過木犀正開復用韻奉呈二絕

南花宜夏不禁涼猶繞珍叢覓舊香留得典刑傳菊

圃別菊新酒待重陽

吳中有末利
菊花葉酷肖

末利吟餘又木犀碧瑤葉底露金支從今日日須搜
句莫遣硯池生網絲

復用韻記昨日坐中劇談及趙家琵琶之

妙呈王正之提刑二絕

病來六結物龜藏不用濃薰戒定香花下酒邊非我
事但餘消瘦是東陽

曹穆新聲和者稀如今妙手屬天支轉關渡索都傳

得想見飛凰舞綠絲

正之云轉關六么渡索梁州歷統薄
媚醉吟商胡渭州此四曲承平時專

入琵琶今不復有能傳者余按北夢瑣言載黔南節度王保
義女善彈琵琶夢吳人授曲內有醉吟商一調其來遠矣

再題白傳詩

香山歲晚惜芳辰索酒尋花一笑欣列子御風猶有
待鄒生吹律強生春若將外物關舒慘直恐中塗混

主賓。此老故應深解。此逢場聊戲眼前人。

石湖中秋二十韻。十二年前嘗與工部兄
及賓客爲此遊。今有隔世者感今懷舊而

作

野外行吾意。城中寄却愁。半秋三夜月。千古五湖舟。
湧地金芒發。行天玉鏡流。珠星沉不現。銀漢黯如收。
高浪連三境。長風近十洲。水天雙對鏡。身世一浮漚。
迥白包元氣。空明慰病眸。只憐心浩蕩。不管鬢飈飈。
放掉真狂矣。關門有此不。四并非易事。一笑亦難謀。
急管參漁笛。清歌間棹謳。逢迎成解后。嘯詠勸綢繆。

女擷蘋花獻。妻傾竹葉酬。今宵如不飲。何處可忘憂。
憶昔誰同賞。于今歲恰周。陟岡睽魯衛。伐木愴應劉。
獨歎靈光在。能追汗漫遊。大都緣未盡。豈是病都瘳。
縱意褰蓬席。輕生倚拖樓。節宣誠小爽。猶勝賦悲秋。

中秋後兩日自上沙回聞千巖觀下巖桂

盛開後復棧石湖留賞一日賦兩絕

金粟枝頭一夜開。故應全得小詩催。藍輿緩緩隨兒
女。引入天香洞裏來。

千巖觀下碧瑤林。歲晚青青共此心。隱士歸兮花未
老。每年來把一杯深。

有會而作

拙是天資懶是真本來何用戒香薰強陽氣盡冥思
怨杜德機深泯見聞念動即時漂鬼國心空隨處走
魔軍室中已自空諸有休負天機與地文

戲題無常鐘二絕

着衫脫袴兩浮休切莫隨渠認路頭三尺蒲牢關底
事尋聲接響大悠悠

合成四大散成空草木經春便有冬生滅去來相對
代爲君題作有常鐘

自箴

有對易成畛域無情那有從違癡人妄認逆境平地
自生鐵圍

白傅病猶牽愛晁公老未斷嗔莫問是情是性但參
無我無人

俗物汨陳大好家奴倒迕何誅泡幻初無典要光陰
况已桑榆

題畢少董繙經圖

絳帳胡沙暗青編古意深誰知洛下詠中有越人吟

次韻袁起巖喜雨

使君精禱動仙靈月御俄從畢嚼經昨夜雲頭隨皂

蓋今朝雨脚挂青冥池光拍岸浮州宅湖面粘天漲
洞庭賸採吳歛歌歲事傳歸轍壤調中聽昨議復池
光亭額故
之因及

再次喜雨詩韻以表隨車之應

仙篆驅龍効水靈佛螺吹梵演雲經何煩礎汗生蒸
潤便借爐薰作晦冥一念故應周法界萬神元不隔
明庭昌時圭璧形聲應不似周詩莫我聽

三次喜雨詩韻少伸善頌

鄉非賢牧政通靈幾負松陵耒耜經天籟侵晨占少
女雨師連夜撒元冥作霖豈必求商野召見誰能右

漢庭聞有追鋒傳好語從今側耳爲君聽

府公錄示和提幹喜雨之作輒次元韻

雨挾潮痕漲具區流渠泱泱繞幽居荷耒日課都忘
倦抱甕天機本不踈且喜水平昌谷稻莫教雷假介
休車老翁飽外還多事更把林間種樹書

雨後田舍書事再用前韻

村村畦圃藝新區處處田廬葺舊居熟透晚梅紅的
皜展開新籜翠扶踈向來矜寡猶遺秉此去汙邪又
滿車誰解續經如魯史爲將連歲有年書

放下菴即事三絕

無風香篆吐長絲書架凝塵不下惟鳥雀聲和晴日
暖午窓捫虱坐多時

病後天魔不戰降夢中千頃白鷗江心空境寂聲塵
盡却愛秋蠅撲紙窓

閉門幽僻斷經過靜極煎無雀可羅林下故人知幾
箇就中老子得閑多

寄題西湖井送淨慈顯老三絕

南北高峯舊往還芒鞋踏徧兩山間近來却被官身
累三過西湖不見山

膏肓泉石痼煙霞半世遊山不着家老入蒲團三昧
定坐看穿膝長蘆芽

中秋月了又黃花卯後新醅午後茶別沒工夫譚不
二文殊休更問毗那

題藥簾

合成四大本非真便有千般病染身地水火風都散
後不知染病是何人

淨慈顯老為衆行化且示近所寫真戲題

五絕就作畫贊

孤雲野鶴本無求剛被差充粥飯頭擔負一筭牙齒
債鍾鳴鼓響幾時休

冒雪敲冰乞米迴齋堂如海鉢單開衆中若有知思者一粒何曾敲破來

千里驅馳出爲人顏容消瘦老於真食輪轉後無餘事莫學子諸方轉法輪

何時平地起浮圖化得冬糧但付厨推倒禪牀并拄杖飢來喫飯看西湖

殿中泥佛已丹青堂上禪師也盡成笑我形骸枯木樣無禪無佛太麤生

老態

浮生自有老規模寒燠隨宜不用拘未盡九秋先挾

續猶賒十月已開爐一心定後真欣厭四大安時適
慘舒若使強追年少事真成赤手縛於菟

憶昔

鈎刀曾齒莫耶銛遊倦歸歟雪滿髯柳帶受風元不
結荷盤承露竟無黏逢場鼓笛如灰冷送老蘼鹽似
蜜甜留得本來真面目行藏何假問龜占

梅林先生夫人徐氏挽詞二首

擇對鳴珂里宜家駟馬門肅雍成孝敬燕喜助平反
閱世彌三壽還鄉忽九原松風搖草露愁絕後堂萱
昔遶鯉庭後嘗瞻林下風一從隨地遠五度閱星終

教載恩勤在驚呼夢幻空送車知幾兩獨欠舊孤童

胡長文給事挽詞三首

結綬參高妙垂紳侍邃清紫荷青瑣闥玉帳錦官城
行矣超龜列終然鬱驥程寂寥經濟事遺恨入銘旌
許國心如日還家鬢未星四并供燕喜萬事付櫻寧
東牖樽猶湛南園醉不醒淒涼招隱路苔蝕履綦青
姻館交情厚官聯事契長鳴珂朝並轡秉燭夜傳觴
何意塘蒲晚翻哦露薤章羸軀如可彊慟哭踞湖岡
次韻王正之提刑大卿病中見寄之韻正
之得請歸四明併以餞行

名卿緒前輩風格如玉山累累培塿中見此高孱顏
攬轡忽思歸無人解麻屨飄飄駕紫車浮雲眎朱丹
向來小病惱體力今已安胡為犯風雪江湖行路難
呼酒暖征衫寧計斗十千倡酬悔不數長懷悲短緣
離合固常事匆忙增惘然浩蕩海山春登臨想臞僊
笑我守荒徑老繭深裏纏擬題憶斲句思咽冰下泉
遲公寄新作使我頭風痊

戲題趙從善兩畫軸三首

王正之云從善家有琵琶妓甚工病

翁未得見借此畫以戲之

一枝香杏一枝梅各占東風桂玉釵居士石腸都似

夢王孫心眼怎安排

無笑無言兩斷魂一杯誰為暖霜寒情知別有真真
在試與千呼萬喚看

搔頭珠重步微搖約臂金寒束未牢要見低鬟揜玉
腕更須斜抱紫檀槽

枕上六言二首

寒更寂歷向曉短夢參差屢驚雞鳴似喚我醒犬吠
知有人行

獨眠被出圭角晏起帳承隙光一老綢繆牖戶幾人
顛倒衣裳

喜收知舊書復畏荅書二絕

故人寥落似晨星珍重書來問死生筆意不如當日
健鬢邊應也雪千莖

強裁尺素荅相思兩目眈昏腕力疲牽牽老夫今至
此門前猶說報書遲

簡畢叔滋覓牡丹

冷落韶光穀雨寒一年孤負倚闌干欲知春色偏濃
處須向香風逕裏看

畢園花逕
名香風

再賦簡養正

南北梅枝噤雪寒玉梨皴雨淚闌干一年春色摧殘

盡更覓姚黃魏紫看

石湖居士文集卷第三十二

石湖居士文集卷第三十二

春日臨見鏡有感

習氣不解老壯心故差我忽與鄉曲齒方驚年許多
有眼不自見謂尚朱顏醜今朝鏡中逢萑葦如枯荷
形骸既遷變歲華復蹉跎悟此吁已晚既悟當若何
烏兔兩惡劇不滿一笑呵但淬割愁劍何須揮日戈
兒童競佳節呼喚舞且歌我亦興不淺健起相婆娑

送老妙法

故太夫人章氏挽詞二首

張子儀總領之母

洵美相門裔有齊邦媛賢若深蘋南澗下萱竹北堂前

孝敬三從謹哀榮五福全松銘諸健筆題作晉陵阡
積慶今如許生兒得寧馨軻親躬授教韋子世傳經
壽寧明卿月安輿拱使星方橋何處在夢斷一溪青

舅母太夫人方氏挽詞

四德儀邦族三遷奠里門姑寧憂疾痛子自樂平反
夏枕方供扇薰堂甫種萱那知秋暑退無復御輕軒
門戶傳清白階庭侍紫青百年歌燕喜五福用康寧
訣錄嘗觀妙旒旌謬勤銘神遊定超絕何必訊泉扃
我願延陵道幾如渭水陽適傳杯汎影何意隙沉光
擬補蘭陵雅翻吟薤露章支離妨執紼雨泣望楸行

壽櫟堂前小山峰凌霄花盛開葱蒨
如畫因名之曰凌霄峰

天風搖曳寶花垂花下仙人住翠微一夜新枝香焙
暖旋薰金縷綠羅衣

山容花意各翔空題作凌霄第一峰門外輪蹄塵撲
地呼來借與一枝筇

代兒童作立春貼門詩三首

剪綵宜春勝泥金祝壽幡雪梅同雪鬢相對兩凌寒
綠野添花徑青春引杖藜家人行樂處雙勸玉東西
盛族推山長脩齡號櫟翁屏花春不老日日是東風

代兒童作端午貼門詩三首

畫閣圍香裏明窓宴坐中
兵符不須篆丹轉藥爐紅
管領神仙侶追陪山長家
往來惟意適歌舞對年華
忝筒小費名田課昌歎多
浮樂聖杯笑倩艾人看外
戶北窓深處詠歸來

○○ 重陽不見菊二絕

節物今年事事遲小春全未到
東籬可憐短髮空歌帽欠了
黃花一兩枝

冷蘂蕭疎蝶懶飛商量何日是
花時重陽過後開無害只恐
先生不賦詩

古風送南卿

廬阜有佳人顏色皦冰玉不能
時世粧蕭然古冠服紛紛倚
市門組麗眩紅綠妖歌促艷
舞飛上黃金屋安知乘鸞鳥
侶留落墮空谷風泉入環珮
月露作膏馥梁肉豈不珍淪
雪莫黃獨聊用慰朝飢歲寒
膚起粟綺叢三尺塵無路到
松竹誰能撫孤桐為奏招隱
曲

○ 偶至東堂

岸幘蕭蕭雪滿簪一闌真是
直千金歸來栗里多情話病
後香山少醉吟女坐蒲團蕉
葉放閑拖藜杖蘚花深飢時
喫飯慵時睡何暇將心更覓
心

李郎中挽詞二首 聖俞

劇郡思賢牧名曹失望郎六參能幾日兩鬢未全霜
雲水新阡遠相川舊隱荒絕憐垂白毋淚血獨還鄉
憶昔單車使惟君勇輔行馬墮招共載鞅乳約同盟
老去長懷舊悲來遽隔生故人凋落盡衰涕不勝橫
謝江東漕楊廷秀祕監送江東集并索

近詩二首

遠道悠悠日暮雲愁眉今夕爲君軒殘燈獨照江東
集短夢相尋白下門即事想多梅藥句有誰堪共桂
花尊斯文賴有斯人在會合何時得細論

秃翁衰雪涕垂頤髮鬢三生懶散師泱髓淪膚都是
病傾困倒廩更無詩笑看筆格網絲徧閑數窻櫺花
影移事業光陰今若此故人休說舊襟期

霜後紀園中草木十二絕

菊老芙蓉退化工少均逸蚤晚梅花動從此無閑日
遮藏未利檻纏裹芭蕉身我亦入室處忍寒待陽春
製芟亦不急緼袍堪禦冬從渠抱枝槁撼撼鳴霜風
種葵如種麥隔歲已下子僅成一榦花浪備四時氣
棠梨芳意多頗惜歲晚晚慙慙小春花特地慰愁眼
牡丹初剪時已具新花眼代謝不容髮笑殺鐵門限

客從揚州來遺我揚州花筠籠貯枯枿明年擅春華
風倒醱醖架長條頭搶地越渠未萌芽政可相料理
清霜染柿葉荒園有佳趣留連伴歲晚莫作流紅去
真珠綴玉船梧子炒可供莫嫌能墮髮老夫頭已童
桃能驅不祥霜後葉鋪地抱枝崑崙奴猶解禦螭魅
門冬如佳隸長年護指除生兒迺不凡磊落玻璃珠

以狨坐覆蒲龕中

蠹蝕塵昏度幾年蒙茸依舊軟如綿且來助暖烏
皮几莫憶衝寒紫繡鞦

再到虎丘

不過溪橋又兩年偶隨筇竹訪幽禪有緣再踏雲巖
路無處重尋石井泉擬輟半山分座住先携一枕借
床眠覺來飽喫紅蓮飯正是塘東稻熟天虎丘石井
在張又新
東南水品第三今寺僧不能名其處妄指寺霧中一
土井當之經藏後有大方井舊名觀音井上有石柱
為桂轆轤處疑此是古石井今井已墜塞百年
柱亦徙他用累諷住山者多邈然今以語壁老

虎丘六絕句

點頭石

當年揮麈講何經賺得堅頑側倒耳聽我自吟詩無法

說石頭莫作定盤星

千人坐

聽經人散薜花深千古誰能更賞音只好岸巾披鶴
氅風清月白坐彈琴

白蓮池

碧泓白石偃樛枝愛水嫌風老更低潭影中間龍影
卧一山好處没人題

劍池

石罅泓渟劍氣潛誰將樓閣苦莊嚴只知暖熱遊人
眼不道蒼藤翠木嫌

致爽閣

碧嶂橫陳似斷鼉畫欄相對兩雄豪東軒只有雲千

頃不似西山爽氣高

方丈南窓

鼓板鐘魚徹曉喧誰云方外事蕭然窓間日薄寒煙
重未到齋時我正眠

雪寒圍爐小集

席簾紙閣護香濃說有談空愛燭紅高飴羶根澆杏
酪旋融雪汁煮松風康年氣象冬三白浮世功名酒
一中無事閉門渠易得何人躡屐鄉音塔東

白玉樓步虛詞六首

趙從善示余玉樓圖其前玉塔一道橫跨綠霄中琪

樹垂珠網夾階兩傍綠霄之外周以玉欄欄外方是
碧落階所接亦玉池中間湧起玉樓三重千門萬戶
無非連瑤重壁屋覆金瓦屋山綴紅牙垂璫四簷黃
簾皆捲樓中帝座依約可望紅雲自東來雲中虛皇
乘玉輅駕兩金龍侍衛可見者靈官法服騎而夾侍
二人力士黃麾前導二人儀劔四人金圍子四人夾
輅黃幡二人五色戟帶二人珠幢二人金龍旗四人
負納陛而後從二人雲頭下垂將至玉階樓前仙官
冠帔出迎方下階雙舞鶴行前雲駕之傍又有紅雲
二其一仙官立幢節間其二女樂並奏玉樓之後又

有小玉樓六其制如前寶光祥雲前後蔽虧或隱或
見小樓之前獨爲金地亦有仙官自金地下迎傍小
樓最高處有飛橋直瑤臺仙人度橋登臺以望名數
可紀者大略如此若其景趣高妙碧落浮黎青冥風
露之境則覽者可以神會不能述於筆端此畫運思
超絕必夢遊帝所者髣髴得之非世間俗史意匠可
到明窓淨几盡卷展玩恍然便覺身在九霄三景之
上奇事不可以不識簡齋有水府法駕導引歌詞乃
倚其體作步虛詞六章以遺從善羽人有不俗者使
歌之於風清月明之下雖未得仙仙亦足以豪矣

琳霄境却似化人宮
梵氣彌羅融萬象
玉樓十二倚
清空一片寶光中

浮黎路依約太微
間雪色寶塔千萬丈
人間遙作白
虹看幢節度高寒

剽風起背負玉虛
廷九素煙中寒一色
扶攔四面是
青冥環拱萬珠星

流鈴響龍馭籟雲
來夾道騫華籠綵仗
紅雲扶輅輦
天街迎駕鶴毳毼

鈞天奏流韻滿空
明琪樹玲瓏珠網碎
仙風吹作步
虛聲相和八鸞鳴

樓欄外輦道插非煙
閑上鬱蕭臺上看
空歌來自始
青天揚袂揖飛仙

送趙從善少卿將漕淮東

玉筍風標右漢廷
起家聊直使車星
古來將相多頭
黑此去功名尚鬢青
披草兩年南北巷
折梅明日短
長亭門前車轍從
今少寂寞柴荆且
暫是肩

范村雪後

習氣猶餘燼鍾情未濕灰
忍寒貪看雪
諱老強尋梅
熨貼愁眉展
勾般笑口開
直疑身健在
時有句飛來

寒夜觀雪

靜極孤鴻響音寒疑萬籟暗眼花燈下字髭斷雪中吟
頗似償前債非關惜寸陰可憐蝴蝶夢翻作蠹書蟬

瓶花二首

水仙携蠟梅來作散花雨但驚醉夢醒不辨香來處
小梅未可折不折惜空回擁鼻撚一枝也道探春來

瑞香三首

小檻移秀色端來媚禪房道人不解飲醺然醉天香
紫雲蹙繡被團欒覆衣篝濃薰百和韻香極却成愁
一叢三百朵細細拆濃檀簾幕護花氣不知窗外寒

石湖居士文集卷第三十三

石湖居士文集卷第三十四

詩

塵居久不見山或勸作小樓以助登覽
又力不能辦今年益衰此興亦闌矣

結廬占城市初豈卜云吉謁醫并治危二事便衰疾
乘除徐自笑翻覺此計失經年不見山無異處暗室
平生痼煙霞歲晚成俗物安得百尺樓屋上高突兀
列岫擁青來爽氣助佔畢嘗試與匠謀工費蝟毛出
俸餘強弩末家事空囊澁經營十年餘高興竟蕭瑟
人生不如意十事常六七身今况遲暮長算屈短日

縱成此段奇髮白何由漆且學商山翁
鬢髮除執轡相橘

愛雪歌

平生愛雪如子猷江湖乘興常汎舟
長篙斷冰陰火迸玉板破碎疑不流
淙瑤大聲出船底兩舷戛擊鏘鳴球
棹夫披蓑舞白鳳灘子挽綽拖素虬
四開篷窗愛清供風捲花絮飛來稠
飄飄着衣寶唾任片片入酒春酥浮
醉中榜入玉煙去耳熱不管寒颼颼
大千空濛到何許日暮未肯回船頭
夜深凍合隨處泊歌呼連曉魚龍愁
明朝掬雪頰且漱揮毫落紙雲煙道
新詩往往成故事至今句法留滄洲
推遷華年絃柱

換俛仰歸鬢塘蒲秋曉衾聞雪亦健
起徑欲一棹追昔遊氈衫胖臆束渾
脫紫帽匡廬蒙堦整十步出門九步
坐見女遮說相苛留謂言此是少年
事歲晚牖戶當網罟萬景無窮鼎鼎
至百年有限垂垂休夢隨落鴈墮沙
觜愁對飢鴟蹲瓦溝重尋勝踐可復
許且挹清寒指病眸須臾未遽妨性
命呼童盡捲風簾鉤牆外賣藥者九
年無一日不過吟唱之聲甚適雪中
呼問之家有十口一日不出即飢寒
矣

十口啼號責望深寧容安穩坐氈針
長鳴大咤欺風

雪不是甘心是苦心

大雪送炭與芥隱

無因同撥地爐灰想見柴荆晚未開不是雪中須送炭聊裝風景要詩來

雪後苦寒

旋融簷溜凍琅玕風力如刀刮面寒雪陣攪空風却軟天公知我倚欄干

新歲書懷

門閤知閑好窻暗與睡宜歲華書戶筆年例探梅詩看長棊三着量添飯兩匙豁除身外事未是苦衰遲

次韻養正元日六言

歲踰耳順俄七年去古稀只三從今蓮葉巢穩誰在槐柯戰酣臍下丹田休想口邊白醜罷參渴飲飢食困睡是名真學瞿聃養正詩云流年五十喻二明日語養正今年五十三此句甚工余今年六十七亦自撰三字韻二句

次韻姜堯章雪中見贈

玉龍陣長空鼻鼻忽先犯鱗甲塞天飛戰逐三百萬當時訪戴舟却訪一寒范新詩如美人蓬華愧三粲

次韻徐提舉游石湖三絕

三徑荒蕪岫幌開錦車何事肯徘徊春風想為高人

住落紫殘花好在哉

日脚烘晴已被煙山頭雲氣尚披綿却須多謝朝來
雨洗淨明湖鏡裏天

天上麒麟翰墨林當家手筆擅文心欲知萬頃陂中
意但向三篇句裏尋

閏月四日石湖衆芳爛熳

北垞南岡總是家兒童隨逐任驩譁開嘗臘尾蒸來
酒點數春頭接過花盡把園林蒙錦綉多添門戶鎖
煙霞杖藜想被東風笑扶却衰翁管物華

檢校石湖新田

今朝南野試開荒分手耘耔草棘場下地若干全種
秫高原無幾謾栽桑蘆芽碧處重增岸梅子黃時早
澆塘田里只知溫飽事從今拚却半年忙

致政孫從政挽詞

丈室推居士安車稱老夫回骸桑下餓續命轍中枯
重道幾三叟輕財似八厨欲知潛德報青紫付遺孤

寄題林景思雪巢六言三首

大地九冰徹底小巢四壁俱空只有梅花同調雪中
無限春風

何處溫泉火井誰家熊席狐裘堂燕幾番炎熱冰蚕

一重綢繆

萬境人蹤盡絕百圍天籟都沈惟餘冷淡生活時復
撚髭凍吟

枕上二絕効楊廷秀

藤枕頻移觸畫屏無慘滋味厭殘更寒雞且道貪眠
着窻紙如何不肯明

枕前百念忽紛然舊學新聞總現前現到天明無可
現依前還我日高眠

送文處厚歸蜀類試

萬里東來萬里歸正憐寡婦與孤兒死生契闊心如

鐵風雨漂搖鬚髮欲絲早集漢庭陪振鷺莫留岷嶺纔

蹲鴟故家零落今餘幾門戶非君更屬誰處厚族弟
季高客死

成都制置使京仲遠
護還吳慨然遠來忘其勞費

重送文處厚因寄蜀父老三首

江上連檣疊鼓行不爭微利即爭名筭來無似君瀟

灑來往空舡載月明

下峽東歸十五年因君話舊意茫然煩將遠道悠悠

夢直到天西暑雪邊

灌口江源不斷流峨眉月幾番秋江山好處吾能

記為問江山記客不

虎丘新復古石井泉太守沈虞卿舍人勸農
過之為賦三絕謹次韻

勸耕堂上醉高年和氣春風共藹然大士亦修隨喜
供夜來古井躍新泉

落紙雲煙墮翠巒一泓潭月鬪清寒鳳凰池上揮毫
手却掬山泉淬筆端

傳聞公作新亭好先報儂家拄杖知便擬挈瓶來煮
茗繞闌干角徧新詩

連夕大風凌寒梅已零落殆盡三絕

枝南枝北玉初勻夜半顛風捲作塵春夢都無三日

好一冬忙殺探梅人

玉雪飄零賤似泥惜花還記賞花時賞花不許輕攀

折只許家人戴一枝

花開長恐賞花遲花落何曾報我知人自多情春不

管強顏猶作送春詩

唐懿仲諸公見過小飲凌寒殘梅之下二絕

春風動是隔年期更對殘花把一卮少待和煙和月

看依稀猶似半開時

問人何處是花蹊香玉勻鋪不見泥莫怪山翁行步

澀更無空處著枯藜

雲露堂前杏花

蠟紅枝上粉紅雲日麗煙濃看不真浩蕩光風無畔
岸如何鎖得杏園春

夢覺作

年增血氣減藥密飲食稀氣象不堪說頭顱從可知
忽作少年夢嬌癡逐兒嬉覺來一惘然形骸乃爾衰
夢中觀河見只是三歲時方悟夢良是却疑覺為非

次韻陳融甫支鹽年家見贈二首

范村如荒村一老雪垂領高軒欵門來驚破雀羅靜
披草出迎客玉筍森秀整短章雖寂莫染指已嘗鼎

歸驂不可駐晨昏思定省

乃翁一經傳播獲了家事短檠寓真樂尺璧豈良貴
年家有寧馨令我喜無寐加鞭翰墨場一躍羣空冀

聞石湖海棠盛開亟攜家過之三絕


東風花信十分開細意留連待我來開過十分風不
動更無一片點蒼苔


家人扶上錦城頭蜂蝶團中爛熳遊報答春光須小
醉紅雲洞裏按伊州

低花妨帽小攜筇深淺臙脂一萬重不用高燒銀燭
照煖雲烘日正春濃

寄題毛君先生蓮華峰菴

天台一萬八千丈蓮花峰在諸峰上峰前結屋屋打
頭獨有幽人自來往湖海雲遊二十春歸來還作住
菴人漫山苦蕒食不盡繞屋長松為四鄰丹訣三千
滿雲笈往來且喜無交涉清晨石上一爐香此時天
地皆訢合我衰無力供樵蘇尚能相伴煖團蒲但願
瘦筇緣未斷會把蓮峰分一半





h